



TEKS UCAPAN

**YANG BERBAHAGIA
LAKSAMANA MARITIM DATUK MOHD AMDAN BIN KURISH
KETUA PENGARAH MARITIM MALAYSIA,
MAJLIS PERBARISAN SEMPENA HARI ULANG TAHUN
MARITIM MALAYSIA KE-8
PADA 15 FEBRUARI 2013,
DATARAN KAWAD, PLAMM KUANTAN**

BISMILLAHIRRAHMANIRRAHIM

**ASSALAMUALAIKUM WARAHMATULLAHI WABARAKATUH DAN SALAM
1MALAYSIA.**

YANG BERBAHAGIA TIMBALAN-TIMBALAN KETUA PENGARAH,

PENGARAH-PENGARAH CAWANGAN,

KETUA-KETUA PENGUAT KUASA MARITIM WILAYAH,

PENGARAH PUSAT LATIHAN DAN AKADEMI MARITIM MALAYSIA,

**DATO'- DATO', TUAN-TUAN, PUAN-PUAN, SAUDARA-SAUDARI, RAKAN-RAKAN
MEDIA YANG SAYA HORMATI SEKALIAN.**

1. ALHAMDULILLAH, PERTAMANYA SAYA MEMANJATKAN SETINGGI-TINGGI KESYUKURAN KE HADRAT ALLAH S.W.T KERANA DENGAN BERKAT KEIZINAN DAN LIMPAH KURNIANYA, DAPAT KITA BERSAMA-SAMA MERAIKAN SAMBUTAN HARI ULANG TAHUN MARITIM MALAYSIA YANG KE-8. PADA HARI INI MEWAKILI SELURUH KEPIMPINAN APMM, DENGAN HATI YANG TULUS IKHLAS SAYA MENGUCAPKAN “**SELAMAT HARI MARITIM MALAYSIA KE-8**” KEPADA SELURUH WARGA MARITIM MALAYSIA.
2. HARI INI MERUPAKAN HARI YANG ISTIMEWA KEPADA KITA SEMUA. SAYA BERHARAP SETIAP DARIPADA KITA AKAN MEMPERBAHARUI AZAM MASING-MASING YANG AKAN MENJADI PEMANGKIN KEPADA PROSES PEMBANGUNAN BAGI MENINGKATKAN LAGI MARTABAT AGENSI KITA KE ARAH MENCAPAI VISI UNTUK MENJADI SALAH SEBUAH AGENSI YANG TERBAIK DI DUNIA.
- 3.INI ADALAH SALAH SATU SEBAB MENGAPA PADA TAHUN INI KITA MENGEKALKAN TEMA SAMBUTAN “**MARITIM BERINTEGRITI, NEGARA DIHORMATI**” YANG MENJADI TERAS KEPADA USAHA KITA UNTUK MEMPERKASAKAN KEUPAYAAN DAN KESIAGAAN AGENSI KITA DALAM MEMENUHI TUNTUTAN PENYAMPAIAN PERKHIDMATAN YANG MELEBIHI EKSPEKTASI STAKEHOLDERS DAN PARA PELANGGAN KITA.
4. SELAIN ITU, DALAM BANYAK UCAPAN SAYA, ADA DITEGASKAN PRINSIP BAGAIMANA KITA HENDAK MENEKANKAN BUDAYA *HIGH PERFORMANCE CULTURE* DALAM AGENSI KITA. JIKA TUAN-TUAN DAN PUAN-PUAN LIHAT PADA ‘NILAI-NILAI MURNI DAN KOD TATA LAKU’ MARITIM MALAYSIA ADA MENERANGKAN APA DIA PENGERTIAN NILAI INDIVIDU, NILAI ORGANISASI DAN KOD TATA LAKU YANG HARUS DIAMALKAN DAN DIBUDAYAKAN OLEH SETIAP WARGA MARITIM MALAYSIA. TEMA “**MARITIM BERINTERGRITI, NEGARA DIHORMATI**” HARUS DIGARAP DENGAN AMALAN DAN PEMBUDAYAAN NILAI-NILAI MURNI DAN KOD TATA LAKU TERSEBUT DI KALANGAN KITA PADA SETIAP MASA.

5. SALAH SATU DARIPADA NILAI INDIVIDU YANG DITEKANKAN IALAH AMANAH. KITA SEHARUSNYA MEMULAKAN PEKERJAAN KITA DENGAN RELA DAN BERUSAHA MENJALANKAN TUGAS YANG DIAMANAHKAN DENGAN PENUH TANGGUNGJAWAB DALAM BATAS KUASA YANG DITENTUKAN, GIGIH DAN IKHLAS UNTUK MENCAPAI OBJEKTIF, BERSIFAT LUHUR, MURNI DAN JUJUR, MEMPUNYAI SIFAT KERAHSIAAN UNTUK MENJAMIN KEJAYAAN OPERASI, DAN MELAKSANAKAN TUGAS MENGIKUT TATACARA AGAMA, UNDANG-UNDANG DAN PERATURAN.

6. SALAH SATU JUGA DARIPADA NILAI ORGANISASI KITA IALAH KERJA BERPASUKAN. DALAM HAL INI, KITA PERLU MENGUTAMAKAN KERJA BERPASUKAN, BERSATU PADU, SALING MENGHORMATI, BEKERJASAMA DAN MENGIKTIRAF SESAMA SETIAP WARGA. IANYA ADALAH SANGAT PENTING KEPADA ORGANISASI, BAGI MENETAPKAN STANDARD YANG TINGGI DAN MENENTUKAN SETIAP KITA MEMAINKAN PERANAN MASING-MASING DALAM SATU PASUKAN..

DATO'-DATO', TUAN-TUAN DAN PUAN-PUAN,

7. DALAM USAHA UNTUK MENGEKALKAN MOMENTUM PEMBANGUNAN DAN KECEMERLANGAN KITA, HARUS SENTIASA MELIHAT PRODUKTIVITI KITA DAN MENILAI KEBERKESANANNYA. TENTU SEKALI KITA MENGAKUI *KEY PERFORMANCE INDICATOR* ATAU KPI SEBAGAI SATU METODOLOGI YANG MENJURUS KE ARAH *HIGH PERFORMANCE CULTURE* SEBAB APA JUGA YANG KITA BUAT AKAN DIUKUR, DINILAI SECARA OBJEKTIF DAN KITA TAHU APA YANG PATUT KITA LAKUKAN.

8. SETAKATINI, DALAM UMUR MENCAPAI 8 TAHUN, KITA TELAH MENCAPAI PRESTASI YANG AMAT MEMBANGGAKAN. KADAR PERATUS JENayah DI LAUT TELAH MENURUN DARI TAHUN KE TAHUN, YANG MANA PADA TAHUN 2006 KADARNYA IALAH 48 PERATUS DAN PADA BULAN DISEMBER 2012

KADAR ITU TURUN KEPADA 3 PERATUS. DALAM PERSPEKTIF MENCARI DAN MENYELAMAT UNTUK NILAI HARTA BENDA YANG DISELAMATKAN, KITA TELAH MENCAPAI PERATUSAN TERTINGGI BAGI TAHUN 2012 IAITU 98.8 PERATUS, DAN KITA JUGA TELAH MENGUTIP HASIL KIRA-KIRA RM249 JUTA MENERUSI DENDA, KOMPAUN DAN LELONGAN DARI TAHUN 2006 HINGGA 2012.INI MENUNJUKKAN BAHAWA INISIATIF DAN SASARAN KERJA KITA TELAH MEMBERIKAN HASIL, BUKAN SAJA KEPADA PENAT LELAH KITA TETAPI YANG PENTING MANFAATNYA TELAH DAPAT DINIKMATI OLEH KOMUNITI MARITIM DAN RAKYAT MALAYSIA.

9. RAMAI PARA NELAYAN TELAH MENULIS KEPADA KITA MENYATAKAN MEREKA AMAT BERTERIMA KASIH DAN MENGHARGAI APA YANG TELAH DILAKUKAN OLEH AGENSI KITA. MEREKA MENYATAKAN PENDAPATAN MEREKA DI SESETENGAH KAWASAN TELAH MENINGKAT KERANA ADANYA RONDAAN DAN PENGUATKUASAAN MARITIM MALAYSIA YANG BERKESAN. SAYA YAKIN OUTCOME ITU JUGA TELAH MENYUMBANG KEPADA PENGUKUHAN IMEJ POSITIF AGENSI DAN NEGARA KITA DARI SUDUT KESELAMATAN DAN EKONOMI MARITIM NEGARA.

10. DALAM-DALAM HAL PENGURUSAN PULA, KITA TIDAK BOLEH BERTOLAK ANSUR DALAM PERKARA-PERKARA YANG MELIBATKAN ABUSES OF POWER. PERKARA INI ADA KAITAN DENGAN LAPORAN-LAPORAN DAN ADUAN-ADUAN YANG SAYA TERIMA, YANG MANA KITA PERLU SEGERA MEMBUAT SESUATU SUPAYA PERKARA-PERKARA SEPERTI YANG DILAPORKAN ITU TIDAK TERUS BERLAKU ATAU BERULANG. PERKARA-PERKARA SEDEMIKIAN SUDAH PASTI AKAN MEROSAKKAN IMEJ AGENSI KITA DI MATA MASYARAKAT. BAGI MEREKA YANG MEMBUAT ADUAN ATAU LAPORAN PULA, SAYA SARANKAN HENDAKLAH MENYAMPAIKANNYA MENGIKUT SALURAN YANG BETUL, YANG BERASASKAN “CHAIN OF COMMAND”. KITA MESTI MENJADI PELAPOR YANG BERTANGGUNGJAWAB, DENGAN SATU MATLAMAT MURNI IAITU UNTUK

MEMPERBAIKI KELEMAHAN YANG ADA SUPAYA AGENSI KITA MENJADI SEBUAH AGENSI YANG KUKUH DAN BERWIBAWA DALAM PELBAGAI SUDUT.

11. SETERUSNYA JUGA, KITA TIDAK BOLEH MENERIMA *MEDIOCRITY*, MAKNANYA PERFORMANCE YANG SAMBIL LEWA. KALAU ADA PEGAWAI DAN ANGGOTA KITA YANG MELAKSANAKAN KERJA YANG TIDAK SAMPAI PADA TAHAP, MUTU ATAU KUALITI KERJA YANG DIKEHENDAKI, KITA PERLU SEGERA MEMBUAT TEGURAN UNTUK MEMPERBAIKI MUTU KERJANYA. SAYA PERCAYA DENGAN RANCANGAN SEBEGINI PEGAWAI ATAU ANGGOTA YANG BERKAITAN AKAN MEMBERIKAN KERJASAMA SEPENUHNYA, DAN BELIAU BOLEH MENGHASILKAN MUTU KERJA YANG LEBIH BAIK.

DATO'- DATO', TUAN-TUAN DAN PUAN-PUAN,

12. SAMBUTAN PERAYAAN HARI ULANG TAHUN KITA INI JUGA MEMBERIKAN PERINGATAN KEPADA KITA TERHADAP SEMUA TUGAS-TUGAS YANG TELAH KITA CAPAI, APA YANG PERLU KITA BUAT DAN APA YANG PERLU KITA LAKUKAN SUPAYA AGENSI KITA SENTIASA RELEVEN DAN BERGERAK SELARAS DAN MENCAPAI MATLAMAT YANG TELAH DITETAPKAN DALAM KPI.

13. MEMANG TERDAPAT BANYAK CABARAN YANG PERLU KITA HADAPI TERMASUKLAH DARI SEGI TUGAS-TUGAS HARIAN SEHINGGALAH UNTUK MENJADI ORGANISASI YANG MANTAP YANG MEMERLUKAN SATU PERANCANGAN YANG TELITI MERANGKUMI PERANCANGAN UNTUK JANGKA PANJANG DAN PENDEK. TUMPUAN KITA SEKARANG INI ADALAH MENENTUKAN BAHAWA AGENSI PENGUATKUASAAN MARITIM KITA INI AKAN MENCAPAI APA YANG TELAH KITA WAR-WARKAN DALAM JANGKA PENDEK HINGGA KE WAWASAN 2020 IAITU SESUAI DENGAN MATLAMAT KITA UNTUK MENJADI AGENSI YANG MANTAP, DISEGANI DAN MENJADI SALAH SEBUAH AGENSI MARITIM YANG TERBAIK DI DUNIA.

14. SEHINGGA KINI, KITA TELAH MEMPUNYAI 242 BUAH VESEL (81 KAPAL DAN 161 BOT) DAN 8 PESAWAT UDARA (6 HELIKOPTER DAN 2 AMFIBIA). SAYA MENJANGKAKAN DALAM RMK-10, KITA AKAN CUBA MEMPEROLEHI BEBERAPA ASET BARU, TERMASUK BEBERAPA PATROL CRAFT BAGI MENGGANTIKAN KAPAL-KAPAL LAMA. SELAIN ITU, KITA JUGA MERANCANG UNTUK MEMPEROLEH OFFSHORE PATROL VESSEL, TRAINNING SHIPS, HELICOPTERS DAN UAV'S. KAPAL-KAPAL LAMA YANG DIBERI KEPADA KITA OLEH AGENSI-AGENSI TERDAHULU TELAH BERUSIA DI ANTARA 30 KE 49 TAHUN DAN IANYA MEMERLUKAN KOS SENGGARAAN YANG TINGGI PADA SETIAP TAHUN.

15. KITA AKAN MENERUSKAN USAHA PEMODENAN DAN PENINGKATAN TEKNOLOGI ASET-ASET, SEPERTI KAPAL DAN BOT SEDIA ADA DENGAN MELENGKAPKANNYA DENGAN PERALATAN MODEN. KITA JUGA TELAH MEMBUAT PENAMBAHAN PEROLEHAN BARU IAITU RADAR PEMANTAUAN DI PERAIRAN SABAH, 6 BUAH BOT PENYELAMAT, 6 BUAH RHFB, 2 MOBILE RADAR SISTEM DAN 18 BUAH FIC YANG TELAH MEMBERIKAN IMPAK YANG BERKESAN TERHADAP OPERASI DI PERSISIRAN PANTAI KITA..

16. DARI SUDUT KEUPAYAAN SUMBER MANUSIA PULA, KITA MENSASARKAN UNTUK MENCAPAI 10,000 ORANG PENGUAT KUASA DALAM MATLAMAT FORCE LEVEL KITA. BUAT MASA INI JUMLAH JAWATAN YANG TELAH DILULUSKAN IALAH 5,170, DAN DARI JUMLAH ITU JUGA 4,237 (81.93 PERATUS) TELAH DIISI, SEMENTARA 934 LAGI MASIH KOSONG. KEKOSONGAN ITU DIJANGKA AKAN DAPAT DIPENUHI MENJELANG TAHUN 2014 MENERUSI BEBERAPA SIRI PENGAMBILAN BAGI PELATIH-PELATIH BARU.

17. UNTUK MEMASTIKAN KEUPAYAAN OPERASI APMM DI MASA HADAPAN, KAJIAN SEMULA MENGENAI KEPERLUAN SUMBER MANUSIA TELAH DIBUAT DAN TELAH PUN DIBENTANGKAN KEPADA YANG AMAT BERHORMAT TIMBALAN PERDANA MENTERI PADA BULAN OKTOBER TAHUN LEPAS, UNTUK MEMBOLEHKAN AGENSI KITA BEROPERASI DI TAHAP YANG MAKSIMA.

PENGISIAN PERJAWATAN ITU DIRANCANG AKAN DILAKSANAKAN SECARA BERFASA BERMULA PADA TAHUN 2013 HINGGA 2020.

18. DARI SUDUT KERJASAMA PULA, AGENSI KITA TELAH MENJALINKAN HUBUNGAN YANG BAIK DENGAN KOMUNITI MARITIM SETEMPAT SERTA AGENSI-AGENSI KERAJAAN DALAM DAN LUAR NEGARA. PEMAHAMAN MEREKA TERHADAP KITA JUGA TELAH BERTAMBAH BAIK. KITA TELAH MENJALANKAN PROGRAM KEMASYARAKATAN ATAU PROGRAM JIWA MURNI SEBANYAK 15 KALI SETAHUN TERMASUK DI SABAH DAN SARAWAK BAGI MENDEKATKAN AGENSI KITA DENGAN KOMUNITI MARITIM SUPAYA MEREKA BOLEH BERKOMUNIKASI TERUS DALAM MENYUARAKAN PANDANGAN DAN PERMASALAHAN YANG DIHADAPI.

DATO'-DATO', TUAN-TUAN DAN PUAN-PUAN,

19. MELIHAT KEPADA PERKEMBANGAN HINGGA KE HARI INI, SAYA BERSYUKUR KEHADRAT ILLAHI KERANA AGENSI KITA SEDANG BERKEMBANG SEBAGAIMANA YANG DIRANCANG. DALAM TEMPOH DUA MINGGU LAGI, KITA AKAN MELAKARKAN SATU LAGI SEJARAH PENTING DALAM PENUBUHAN PUSAT LATIHAN KITA. KITA AMAT BERBANGGA DAN MENYEMBAH UCAPAN SETINGGI-TINGGI MENJUNJUNG KASIH KE SISI KEBAWAH DULI YANG MAHA MULIA TUANKU SULTAN PAHANG ATAS LIMPAH PERKENAN BERANGKAT AKAN MENYEMPURNAKAN MAJLIS PERASMIAAN DAN PENAMAAN PUSAT LATIHAN DAN AKADEMI MARITIM MALAYSIA PADA 2 MAC NANTI, INSYA-ALLAH. SELAIN ITU, DALAM BULAN MAC JUGA, AGENSI KITA AKAN MENYERTAI BUAT KALI KEMPAT DALAM PAMERAN ANTARABANGSA DI PAMERAN LANGKAWI INTERNATIONAL MARITIME AND AEROSPACE, YANG MANA IANYA MERUPAKAN SATU PLATFORM BERTARAF ANTARABANGSA YANG AMAT SIGNIFIKAN KEPADA PERKEMBANGAN AGENSI KITA.

20. SEBAGAI PENGAKHIR UCAPAN, DI HARI SAMBUTAN HARI MARITIM MALAYSIA INI, SAYA SEKALI LAGI MENYERU SETIAP PEGAWAI DAN ANGGOTA AGAR DAPAT MEMBUDAYAKAN *HIGH PERFORMANCE CULTURE* DALAM KEHIDUPAN SEHARIAN KITA BAGI MENINGKATKAN KEUPAYAAN PENGURUSAN, OPERASI DAN LOGISTIK KITA, DISAMPING MENGAMALKAN BUDAYA HIDUP SIHAT AGAR APA YANG KITA RANCANG DAPAT DILAKSANAKAN DENGAN LANCAR.

**“SELAMAT MENYAMBUT HARI MARITIM
MALAYSIA KE-8”.**

SEKIAN, WABILLAHI TAUFIK WALHIDAYAH ASSALAMUALAIKUM
WARAHMATULLAHI WABARAKATUH.